

610.

Na osnovu člana 63 stav 2 Zakona o vanjskim poslovima („Službeni list CG”, broj 46/10), Ministarstvo vanjskih poslova i evropskih integracija donijelo je

**PRAVILNIK
O SPECIFIČNOSTIMA DISCIPLINSKE ODGOVORNOSTI U VRŠENJU
VANJSKIH POSLOVA**

Član 1

Ovim pravilnikom propisuju se specifičnosti disciplinske odgovornosti za državne službenike i namještenike u vršenju vanjskih poslova u Ministarstvu vanjskih poslova i evropskih integracija (u daljem tekstu: Ministarstvo) i diplomatsko-konzularnim predstavništvima Crne Gore u inostranstvu (u daljem tekstu: diplomatsko-konzularna predstavništva).

Član 2

Državni službenik i namještenik zaposlen u Ministarstvu i diplomatsko-konzularnom predstavništvu, pored disciplinske odgovornosti za teže povrede službene dužnosti propisane Zakonom o državnim službenicima i namještenicima, disciplinski je odgovoran i za teže povrede službene dužnosti u vršenju vanjskih poslova, i to:

- korišćenje povlastica, imuniteta i diplomatske pošte suprotno njihovoj namjeni;
- korišćenje prostorija diplomatsko-konzularnog predstavništva suprotno njihovoj namjeni;
- nepoštovanje zakona, pravila ponašanja i protokola države prijema;
- napuštanje države prijema bez saglasnosti Ministarstva;
- miješanje u unutrašnje stvari države prijema;
- preduzimanje diplomatskih i konzularnih zastupanja treće države u državi prijema bez izričitih instrukcija ministra vanjskih poslova i evropskih integracija;
- komunikacija sa Ministarstvom, drugim organima, organizacijama i institucijama u Crnoj Gori ili državi prijema bez znanja šefa diplomatsko-konzularnog predstavništva;
- komunikacija šefa diplomatsko-konzularnog predstavništva sa organizacijama i institucijama u Crnoj Gori ili državi prijema suprotno instrukcijama Ministarstva,
- vršenje privatne ili trgovinske djelatnosti u državi prijema radi sticanja lične koristi;
- nepoštovanje propisa o naplati konzularne takse;
- vršenje aktivnosti kojima se vrijeđa ugled druge države, međunarodne organizacije ili njihovog predstavnika;
- vršenje drugih aktivnosti suprotno odredbama zakona, važećih propisa i opšte prihvaćenih pravila međunarodnog prava.

Član 3

Ovaj pravilnik stupa na snagu osmog dana od dana objavljivanja u „Službenom listu Crne Gore“.

Broj: 05/3-377/7

Podgorica, 31. maja 2013. godine

Ministar,
dr **Igor Lukšić**, s.r.